



00057

青藜軒爲劉子雍賦



頗聞天祿青藜杖雍也自是今劉向漢啓炎精著
五行天符火德明文象太乙光分五夜深清氣
應三台上草堂人稀清漏長紫薇花開金井涼昭
回雲漢星辰爛黼黻文章雨露香鏗鏗九節蒼虬
幹叩門絕愛齊眉短桃竹風清豹髓凝葛陂春早
龍膏暖銀燭無神暮雨淒金蓮落艷秋煙蒲故人
文彩筆如椽制作于今軼漢賢萬里羽儀調玉燭
春雨軒集

五一

九重柱石際凌煙

江都行

蕪城繁華天下美處處離宮開紅紫綵女龍舟錦
作帆內官鳳苑花裁綺芍藥珠簾十二重楊柳御
堤三百里鼓車巡幸翠華留夷夏梯航覲冕旒縣
邑貢真三祝獻諸侯稱壽萬年酬盤滃酒色窮奢
侈宴安鳩毒亾邦祀西苑歌鐘午夜遊東遼輜重
三軍死實成殿上奏鸞棲晉陽城外飛龍起故國

傷心非昔時五雲宮闕草萋萋東風寂寞雷塘路

月暗秋陰鬼火啼

楊廉夫曰唐體

寄徐宗周兼柬楊煥文阮宗泰

李家池頭去年別大風揚沙天欲雪贈我鯉魚三
十腮楊柳穿來帶寒血今年八月芝山樓我欲少
住君不留蹇驢落日冒秋暑鬢絲汗溢黃塵流近
過阮公茅屋底說君沉痾幾不起九月十月方離
床強健近來差可喜相望片雲巍石山來往每嫌

春雨軒集

五三

消息艱斯文凋謝少知己恨不連牆相往還却憶
少年從義日聞雞不眠追祖述殺敵風吹寶劍腥
打圍雪壓雕鞍濕諸葛魯懷漢室憂包胥亦有秦
庭泣投老相看海日清夙昔患難同離情歸來廬
井有桑梓拜掃丘墓除榛荆傳家書在晚還讀負
郭田深春自暎愛君牕前修竹大聽雨何時對床
卧却扶藜杖過楊兄使酒柏渠時罵坐氣畧願與
常人殊天經地軌談陰符鳳岡溪頭懶垂釣未與

殿前思上書功名定有國士報肝膽好將民瘼蘇
黃金之臺一千尺白日橫飛虎生翼呂望八十方
致身五十富貴朱買臣時來勲業自有待豈得其
作漁樵八

澶州行

澶州城頭河水渾南城井城如虎蹲當年虜寇犯
畿甸烽火照衣驚邊塵廟堂大臣惟肉食幸南幸
蜀俱身利臣瓊歷練老知兵臣準忠肝陳讜議九

春雨軒集

五四

關半夜一雞鳴大駕南征詔書出虎臣武將爭駿
奔龍旌豹尾如星屯六軍野宿犯霜雪萬乘露次
昭風雲金節翠支光六轡黃蓋城頭壓妖彗天戈
曉渡國威張神箭星馳賊酋殪重瞳一顧轉乾坤
萬歲山呼震天地胡虜氣懾不敢當稽首俯伏頌
誠惶三邊清寧海波霽四野桑麥紛牛羊至今惟
有萊公廟簫鼓年年歌歲康

楊廉夫曰曲盡
事實可哀可誦

題諸葛武侯廟

武侯古廟臨江石碑什苔荒宇殘廢巴東巴西巫
峽長父老至今來拜祭木牛流馬將何施君才十
倍當曹丕託孤付國寄大事輔不可輔卿爲之股
肱竭力誓臣節五月渡瀘親出師君臣氣義出肝
膽千古泪落令人悲江流不盡潮聲咽嗚呼遺恨
三分國沙際空遺八陣圖蒼梧雲暝秋蕭瑟

楊廉
天曰

節義
如生

義士歌

春雨軒集

五五

岳陽胡公字振祖當原之季以義起兵剋復
郡治紀功授饒州府判後從官軍轉戰至浮
梁與敵相拒糧盡矢絕義不辱憤罵以身死
之鄉貢蔡淵仲先生爲之立傳予作歌以著
其節義焉至正甲午也

崑崙晝裂黃河決京畿地毛白於雪鬼母啼秋天
黑魚武庫兵鳴劍飛血黃屋播越煙塵張四海感
激思勤王鄱陽胡公軀七尺義旗寒露寒無光鳶

肩火色萬里壯虎氣電目千夫強城頭陣雲壓鼙
鼓醜酒椎牛題露布破釜沉船曉更征囊沙擁水
宵還渡萬乘千旗驃騎營轉戰豈薄浮梁城孤軍
糧盡朝食草間道人稀夜煮冰鐵甲照霜弓影曲
寶刀磨月水痕腥旄頭芒射前星落特勇驍騰身
不却淒涼馬革裹尸歸誰復聲名寫麟閣郡侯紀
績筆如椽父老相傳泪泫然三尺荒墳何處是忠

臣後代子孫賢

楊廉夫曰義
氣悲壯可念

春雨軒集

五六

荊州護衛指揮陳公伯英鞍馬之暇焚香吟
詩高懷雅量令人起敬賦詩承教

將軍少年英氣豪學劍論兵談六韜龜紋璪甲紫
絲轡虎皮鞞韉紅錦袍三尺雕弓兩斛力八歲龍
駒雙佩刀不憤旄頭如火赤從駕南征破戎狄
淮雁啼霜瘴月昏駱駝載雪狼烟濕羽檄流星烽
火連塞旗誓欲靜三邊嘶枚榆塞金瘡苦洗箭沙
泉戰血羶柳營日落鳴笳鼓玉帳籌邊月當午酒

壓葡萄壯士歌花插眞珠美人舞奏凱歸來拜玉
墀天恩頒宴画樓西漢家未數蕭曹業麟閣丹
青姓字題

棲碧軒爲陳指揮賦

鎖牕斜隔紅塵道芳艸滿簾暗不掃堦前馬踏落
花泥柳外鶯啼春色好羅袍犀帶紫金魚壁上瑤
琴床上書春挾城頭春雨過一庭脩竹讀陰符

棲霞軒爲王文質賦

春雨軒集

五

丹霞爛兮五色光昭回雲漢成文章朝逐神龍共
寥廓暮隨威鳳回翱翔丹霞炫兮釀春酒堦下萱
花對晴晝紫簫清瑟聞齊謳衣綵高堂獻眉壽人
生此樂眞良圖奉親報國多清娛眼中富貴自有
待身退功成遊五湖倒騎青鸞過玄圃池上碧桃
花滿路牽衣笑拍洪崖肩醉看滄海珊瑚樹

宿黃州城下懷蘇仙

五雲宮闕芙蓉苑燭視金蓮賜宮宴翰林風月紫

薇花錦袍犀帶黃金硯一朝遷謫來黃州滿頭風
雪寒颼颼蹇驢被帽禿鬢兒啼妻怒聲啾啾瓶
無儲粟家四壁斗酒謹換烏貂裘飢腸一字不堪
煮清苦占斷人間秋獨倚竹樓題短句酒入五腸
肝膽露自抔布袖捲天風繞壁龍蛇起煙霧九重
忽報天恩來寒谷得暖陽春回黃封御宴賜顏色
賓客門迎車馬排采輪皂蓋五花諾赤霄白日登
蓬萊人生得失有如此覆手爲雲翻手雨我因登

春雨軒集

五八

眺撫江城歷歷東坡舊遊處臨登弔古不勝悲落
日滄波白鳥飛金馬玉堂天上夢茶煙禪榻鬢如
絲

過南湖背

城頭開船北風起帆輕直過南湖背上水歡呼下
水嗟龍王廟前准燒紙小婦攀習楊柳幾淮鹽換
得鰕魚肥沽來新酒不成醉卧聽鄰船歌竹枝

宿潯陽

潯陽城頭秋雁啼霜寒木落江霏霏孤舟晚泊日
當西纜繫石橋楊柳磯庾樓基廢迷煙樹猶記樓
船爭戰處草店蕭條野客酤女牆依舊官軍戍逝
水滔滔送落暉繁華雲變不勝題當年司馬青衫
淚翠袖琵琶夢已非

求陸伯瞻作懶雲莊圖

老來已矣房山逝江海丹青少奇跡故人胸次出
神奇寫法誰能識天趣倒翻墨汁金瞻餘珊瑚翡
翠雨軒集

五九

翠相縈紆遠樹浮青氣黯淡遙山疊翠烟模糊洞
庭八月波如鏡一片玻璃三萬頃白蘋香老雁啼
霜九點蒼梧落秋影頰君爲寫懶雲莊樹根絡石
苔連牆丹崖深處三間屋坐弄紫簫書滿床

送丁兼善還荊州

大邦羅襄國門戶軫翼經躋分野次西帶巴樊控
楚墟東連吳會跨淮泗凌雲宮闕麗中天府下黃
豪揔世賢賓客那能珠履宴簪纓未數玳瑁筵行

旌枉顧溪頭屋瀟洒襟期慰幽獨藍田玉相出奇
姿紫曉瓊蘭藹清馥交情絕愛眼中稀慷慨霏談
不忍違只恐王程軍務速青雲荆樹馬駢駢

送春詩

珊瑚鈎搭黃金索楊花香雪穿珠箔綠雲蟻翠綉
麒麟宮衣初試羅衫薄雉扇班班移午漏邊磨煤浮
硯墨淋漓筆掃粉牋龍影動殿頭新賦送春詩

蒲養堂爲薦福天然長老賦

春雨軒集

本

方丈蒲頭蒲葉細上人綴蒲織爲屐拄杖挑雲過
市西換得香糗奉其旨袈裟焚蘭還誦經慈顏怡
怡雙鬢星甕頭釀得春酒綠但願四時蒲葉青

繼善堂爲萬得亨賦

漆經剝落蚪蚪沉孔壁已無絲竹音紅牙題籤鏤
白玉紫駝剪錦泥黃金幽篁三徑琅玕靜睡鴨焚
香銷淑景簾深粉壁白於霜屈曲龍蛇挂秋影故
人好雅絕紛華右史左圖書滿車眼看富貴浮雲

外宜爾子孫宜爾家

案軒爲江禮聞賦

平湖斜帶城東道
幽軒傑有長松
新甕珀凝脂露
葉光荻芴出土雲
蒼老八月九月
天氣虛疎簾焚
香公事餘秋風
落倒山月吐一榻
新涼還讀書

蘭軒爲丁彥鼎賦

隱居草堂臨澹津
疏簾晝垂無市塵
青衫緇髮寧辭祿
白眼乾坤不厭貧
小憩斑竹闌干曲
客來屐

春雨軒集

六

齒苔痕綠湘帙連
赤蠹影沉墨池
映硯鵝羣浴手
種幽蘭滿後庭
紫莖芳穗延餘馨
煙痕遠浥三湘
碧露氣遙分九畹
青返掩衡門
樂真趣不向繁華
逐桃李美人采
結自有期五雲環
珮蓬萊水

題滕王閣

珠簾畫棟富南浦
岸杪汀花幾今古
九江潮白雁橫秋
五老雲青龍出雨
浩蕩滄波去莫回
淒涼唐室不勝哀
空遺王勃文章在
父老扁舟奠酒來

子安

敵勁

暑雨寫寄吳魯瞻

暑雨蒸晴沙草綠村北村南啼布穀掛書牛角學
躬畊老眼生花不成讀土墻柴門茅屋低欄飯過
午行人稀故園竹樹又蕪穢荒榛瓜蔓相因依却
憶揚旌出沙漠不忿旄頭射八角骷髏飲酒帶血
腥馬上單于雪申縛

楊廉夫曰
自任吐氣

七夕對月懷藍明之黃彥美蔣師文先生

春雨軒集

三

碧梧金井生早秋北斗斜掛銀河流鵲橋靈車儼
若渡織女有約期牽牛古傳此事不可詰五雲彷彿
聞笙球舉衣舉酒酌明月起舞激烈心悠悠但
恨玉兔搗靈藥不離萬古之間愁眼看明月年年
好古人已先今人老今人還是後人哀綠鬢朱顏
豈堪保自憐年少心志狂赤手直欲攀扶桑琅玕
披腹扶雲漢擬致堯舜垂衣裳豈無蒼生待霖雨
命與時蹇空昂藏棄官歸來守鄉土破硯凝塵百

無補時今引領送飛雲天華當空秋一羽今年種
豆南山阿斜日荷鋤仍浩歌木葉脫落霜露降時
不我延將柰何明年擬結溪頭屋亂石環墻種脩
竹扁舟載酒弄滄浪看雪尋梅剡溪曲

楊廉夫曰
大白全習

畊讀生涯爲子昇弟作

杏花開時啼乳鳩平野雨霽青烟浮稚兒呼犢出
溝食長簑短笠登西疇布穀村南聲逐逐勸人種
新食新穀蛙聲知歲卜田頭龍骨聲聞卧沙曲九

春雨軒集

六三

農鼓腹喜年登紀程連雲欣歲熟草塘低接榆柳
墻柴門半掩歸牛羊溪虛籥弄夕陽晚木脫風高
秋露涼隄下移燈把書讀老翁燃松當短燭但願
官家徭役平雞黍年年會鄰屋

題趙文敏公墓竹爲宋景濂學士賦

坡翁老可俱已仙誰寫石上青琅玕淇園蕭條白
日晚渭水寂寞西風寒歸來三徑無人共翡翠參
差涼露重瀛海終期釣六鰲緱山自擬棲山鳳八

月秋高夜向沉長梢初拂生清陰千尋楚水三閭
操萬里天山屬國心洞庭冥冥波浪急糝糊爪甲
蛟龍蹟悵望天涯翠袖愁一片湘雲淚痕濕

題雲濤尼歸來圖孫子林画

老兄平生好奇節北歷幽燕南適越手扶赤日濯
龍淵足躡層氷探虎穴秦華黃河眼裏空金殿瑶
池夢中閣掛冠歸來雙鬢疎白雲草閣山中居長
鍾採杞朝春藥短褐然松夜著書亥豕細研窮六

春爾軒集

六四

籍魯魚深辨惜三餘蒼顏無聲李斯死紛紜字劃
蠅鑽紙龍馬圖從鳥跡分螺驅法綠蝌蚪始朱研
洩石露華新筆穎生花眼力昏衣桁畫暗凝麝馥
墨池春暖浴鵝羣負郭墓田誰復種長歌歲晏飛
鴻送老視深知百世傳殘書莫惜兒孫誦却憶故
人孫省郎丹青藝絕更無雙斯文已矣今何在江
漢淒涼思斷腸

送任侯赴京

華亭任侯來尹于番政明訟理田野安業今
茲報政 朝廷而垂髫戴白之民依然不
忍侯之去也士大夫咸作詩以歌頌懷思之
情焉詩曰凱弟君子民之父母其斯之謂與
柔柔陰陰無附枝雲連麥穗秀兩岐兒童欄街晚
騎竹父母携酒春褰帷犢車巡行樹邊憇土墻犬
卧花陰細野岸簾櫺夜讀書茅簷機杼秋催織我
侯之澤民感之三年報政民懷思我侯之德永無

春雨軒集

六五

敬彭蠡湖邊勸貞石

醉漁詩葉楚庭求賦

醉漁少年多宦遊解鞍夜宿錢塘樓桃花馬繫珊瑚樹蘭麝衣熏翡翠篝梨花開時風日美蘇堤画船寒食 呼酒濯足嫌酒香醉倚玉人花影裏生涯自信黃公壚避閑掉頭官不除番竿滄海盟鷗鳥啼髮扶桑騎鯉魚彭蠡湖邊閒弄月光範門前曾上書筆鋒殺盡南山兔墨汁淋漓酒秋素崔嵬

用膽向誰傾。悵望秋雲仰天哭。五湖爲杯丘拍糟。
洞庭春色釀葡萄。一醒一飲三千日。鼓枻蓬瀛釣
六鰲。

題都督沐公畫壁

唐稱王帝宋董郭元有高趙。今俱無乾坤精爽久。
寂寞素壁誰能開。圖畫墨痕搃是篆籀法。但見元
氣秋模糊。長林蕭騷霜葉赤。脩竹喬松幾千尺。霧
暖琅玕長碧。腴天寒琥珀流金液。雲倚晴空翠嶽
春雨軒集

六六

青泉分曉澗。天河白路轉清溪。楊柳疎籬落頰自
幽人。居當門大石。面如掌。斜日坐來堪釣魚。豈無
樵歌伐木者。最愛茅簷酌酒壚。携書自可卧三島。
濯足因思歸五湖。頗憐故宅鄱江上。對此茫然心
獨往。何日躬畊負郭田。經年茅屋蒼苔長。

燕子樓同陳伯寧賦

寶瑟凝歌繞珠箔。流蘇結帶黃金索。翠紅香裏宿
鴛鴦。春風人問無此棠。杏梁塵暗麝蘭篝。黛鎖眉

峯
夫曰再
不忍歸
畫樓燈殘枕冷梨雲斷秋雨人間無此愁
廉楊

桃葉青

桃葉青青杏花吐樓頭吹笙教鸚鵡紅牙象版按
梁州金縷衣裳美人舞離情不似月常圓桃葉青
青似去年美人不來鸚鵡怨杏花零落畫樓前

烏夜啼練高同賦

城頭烏啼風瑟瑟露滴銀床秋月白錦屏金屋暗
春雨軒集
七

西施歌長漏短銅壺窄回首繁華散似雲姑蘇臺
上鹿成羣令人却憶烏啼月此月還應照移人

長相思高啓同賦

唱歌別君醉君酒出門不道離家又一日三時聽
馬嘶陌頭又見青青柳曉日游絲墮粉墻聞中啼
烏人斷腸鸞巾粉浥新年淚鳳枕情遺舊日香比
翼翼雲長自愛合歡眉黛爲誰粧經春魚雁無音
信落花風急愁成陣走馬常提白玉鞭封侯何用

黃金印昨夜燈花照碧紗定是行人當到家玉壺
瀉香紅燭暖雞啼一聲嫌夜短

題敬義叔雲巢圖

山人讀書知老稀結巢棲息雲相依晴霏凝碧爽
毛骨夕露滴翠霑裳衣交柯溟濛覆棧葉攬秀長
歌靜怡悅夢入天風鸞鳳翔心悲夜月鷓鴣抽卷
舒隨時情更閒出岫時時戀故山濟時懶作天邊
兩自得投林一羽安

春雨軒集

六八

田家樂寄張師孟

田家樂今年莊農好秋作蟄龍蛻骨枯槁懸五穀
咸登雨時若官家更憂民力疲公田折布能輕
賈小姑携筐懶梳洗拾得棉花如雪肥大姑軋軋
催機村疎簾樹影寒蛩語鬢雲籠霧颺西風眉月
生涼褪秋暑山徑牛羊下夕墟蕭蕭榆柳草堂虛
野老杖藜邀小酌諸孫燈火讀殘書

見月行

自憐少年不識月疑是明鏡飛上天但看三五二
八夜彎彎缺缺仍復圓悲歡離合每對此風雨陰
晴經幾年壯強已過今老大俯仰嬋娟不勝慨也
曾對月客長安寒驢破帽西風殘磴聲蕭條夜向
夕劍影錯落秋生寒也曾對月秦樓夜春寒珠箔
梨花謝金釵扶醉曉催雞翠被留香暖餘麝也曾
對月抱遺經燈火繩樞掩草亭蠶窳結冰寒走靈
芸隄雲下晚收螢也曾對月榆關戍百戰沙場士

春雨軒集

六九

爭死金瘡卧馬瘴烟青玉帳磐雕障雲紫也曾對
月泊瀟湘商賈淒涼野店菰米黑沉烏啄雪柳
條翠減雁啼霜也曾對月東華道影轉金莖闔闔
曉玉殿承恩出苑遲瓊林侍宴簪花早衰病歸來
百不成烟箬雨笠學躬耕壯心寂寞吳牛喘倦翼
凋零野鵲驚每慚泛渚袁宏詠那復登樓庾亮情
飛蓋清園歌已遠乘舟赤壁夢何憑月色不殊人
自改烏藥惟應兔長在褰衣弔古倍增悲長跪臨

風賦清醅朱顏易去不復來一日一醉能幾迴
日少年今日老且須置酒登高臺桂花吹香白露
下莫惜爛醉黃金鬢舊游豈無歌舞地銅駝白骨
迷蒼苔前人已往今還昔今人寧無後人意後人
後遣後人哀月落銀河瀉空碧
楊廉夫曰此折情
盡○意態悲壯
旨婉麗以鐵如意擊嚙壺歌之
可披金縷衣執檀板歌之亦可

鬼妾行

關中女兒白於雪縣官娶作專房妾黃金翠羽繡
春雨軒集

七

羅襦枕邊誓死心不渝豈憶榮華草頭露好似青
藤倚枯樹一朝樹倒藤無依垂垂哀哭牽腸肚依
稀無復半年春新官到任遣媒人鴛鴦錦帳重還
整鸞鳳金釵依舊新洞房更結叮嚀語却說新情
多勝故自愁飛花逐水流爲憐嬌蝶無鶯妬傷心
認著主衣裳隄前臨鏡照新粧青銅欲待銷磨盡
幾度春風幾斷腸

楊廉夫曰
有喻而作

金銅仙人辭漢歌周伯寧同賦

漢家黃金如土積，儔作仙人一千尺。綴氏山頭曉
日紅，太一祠前露華碧。瓠漿凝彩剪雲漸，玉屑無
痕浸寒液。安期日日候神仙，王母朝朝見鳧鳥。千
門萬戶建明光，上苑南山繞百梁。春蒲甘泉千樹
綠，波涵太液百花香。白麟朱雁呈祥瑞，寶鼎芝房
薦樂章。詔遣魏青將驃騎，使通司馬拜中郎。待邊
親駐狼居外，出塞兵藏馬邑旁。龍馬錦韉來上谷，
蒲萄銀甕出西涼。李陵臺畔西風冷，蘇武坡前落

春雨軒集

七二

日荒暮年始下輪，臺詔思子宮前。雙淚統壯志，漢
涼天下悲巡。幸東從海上，迴封禪無成。還碣石長
生不復望，蓬萊鼎湖龍去秋。蕭瑟金鳧銀鴈燈如
漆，空遺弓箭慘無神。青龍使者宮車出，萬牛如山
千里來。老淚裂眦，皆銅仙摧前車。未改後車轍，昔人
不盡。今人哀傷心，秋草茂陵苑。又見東風銅雀臺。

楊廉夫曰深
戒窮兵之咎

迎春曲

燕梁綵飄金鳳喧翠衿小兒雙髻懸珊瑚鞭折金
鎖掣九地神牛飛上天東郊轆轤鳴紫犢綠蕪一
片玻璃穀柳眉桃臉紅霏霏東園蝴蝶西園飛

虞美人詞

萬人劍氣真羆虎寶玦鴻門悲亞父陰陵失道豈
天亾志輕仁義爲降虜淒涼垓下楚歌哀玉碎花
飛報危主至今荒塚說虞姬一去繁華名不死君
不見玉環香斷九泉扃萬古滄波流不清

春雨軒集

七二

卷之三

長短句

題買文彬畊樂堂

前年成醺口關去年來利陽鎮花陰卧之喜官閒
沙際飯牛饒野興江村寒食落花初水滿平田宿
雨餘凝塵懶拂雕翎箭負耒歸來夜讀書

題崑崙雪曉圖

自有宇宙便有此山六丁智力憚疏鑿一氣神秀

鍾瓚玩九龍上蟠日月麗六鰲下鎮滄溟寒西母
雙鳧遠莫至周王八駿邀難攀萬仞皚皚太古雪
大明中間爛銀闕玉京瑤圃恍瀛洲一洗胸中煩
惱熱自非砥柱障狂瀾天地蒼生混魚鱉摩挲此
圖雙眼開令我胸次生崔嵬安於磐石莫四海長
歌萬里天風來

題李陵蘇武泣別圖

臣有千古哀覆水一去難再回臣有三寸舌染絲
春雨軒集

七三

一黑難再白丈夫瓦裂聲名虧漢不我得將安爲
吞聲長哀送蘇武忠肝惟有青天知煙沙蕭條壓
冰雪心事淒涼淚成血誰憐魂魄老胡塵空有丹
心瞻漢闕日斷關河夕照迷茂陵烟樹草萋萋將
身不似雲邊雁猶得年年故國歸

楊廉夫曰
可痛可痛

雲湖漁樂圖爲陳茂叔賦

缸頭書百冊船尾酒百壺懶騎桃花馬濯纓雲水
湖手携珊瑚竿不掛朱虎符壯心捲笠澤浩氣凌

東吳寒食春風三月暮暖帳桃花香簇簇弱水三
千錦帳紅禹門九萬晴濤綠身被紫圍宮錦袍靈
槎不厭銀河遙綵綸垂虹八百丈坐弄明月吹鸞
簫黑風冷冷挽幾袖手捫箕尾聞雲璈醉來睜髮
支機石鼓漉天津釣六鰲

漢之季哀故御史余公闕守舒城死節而作
漢之季洪流何湯湯赤子爲龍蛇蔓于漢以淮割
我城邑圖不祥天子曰嘻予何以奉宗廟朝羣臣
春雨卮集

七四

登明堂曰予近臣御史闕咨爾撫師古舒國闔以
外彌制之賜爾三百衛士斧與節毋黷民毋寃刑
苟附而安文武並用禮之經臣闕昧死頓首泣主
憂臣辱敢不力御史騎馬來萬姓汨落喜且悲子
我塗炭民漢官威儀今見之東市牽牛羊西市羅
酒漿紛紛列道左御史下馬相扶將諭以天子聖
且愛明見萬里外宵旰不遑食兵爾飢爾苦顛沛
御史雖愚頗知忠與慈惟霄患難相扶持鼓爾鼓

旗爾旗疾則疾徐則徐壯者戰守老者居俾爾農
桑毋奪時桑青青麥茫茫牛羊走牛墟御史城上
行茅屋人家聞讀書以心感人心敵至輒敗不敢
窺城東啼虎豹城西嘯熊羆斬黃攻始退山越什
什伍伍來相圍褻瘡戰城南晚血戰城非大舡小
舡捍江列嗟城中如流魚御史奮臂城上呼悲風
揚塵沙起白日無光士爭死廩無粟士氣衰朝食
城上草暮煮城下箕癘疫相枕何流離御史斬愛
春雨軒集

七五

馬士卒不忍食日久援不來矢盡兵殘益危逼梟
騎死野戰烏鳶啣肉流尸殭孤城坐歿瘁土山地
道不可當御史誠不德握手謝父老爾民多殺傷
御史登城北面拜稱臣萬死無以報陛下闔室竟
與城俱亾楚山蒼蒼楚水洋洋御史之節功烈顯
彰天之奎壁地之河嶽人之綱常千載弗渝日月
普光誰能置廟復立社享爾祀爾百世及天下
夫曰音節古甚足爲余公傳○讀之古意可哀琅
然漢魏之旨○一字一句商鼎周彝惜乎闕事非

楊廉

秦淮書舍爲端孝思賦

秦淮水金溶溶羣峯迤邐以走非萬壑曲折而朝
東盤礴之秀山川所鍾金精伏地斗牛爛王氣燭
夜風雲從以之定九鼎制萬國鳳凰鵲觀之壯龍
蟠虎踞之雄春風三月城東路紫陌紅塵映朱戶
萬樹嬌花駿馬嘶千條弱柳流鶯度楚榭春粧玉
纈細秦樓夜宴金搖步鬢鬢秋痕曉霧輕眉分晚
春雨軒集

七六

黛朝雲妬洛下誰論杜牧狂臨邛不數相如賦故
人結屋對江波厭聽朝朝玉樹歌白紵裁成朝隱
几黃庭寫罷晚觀鵝芸牕文史三冬足日閱牙籤
常百軸志篤孫康映雪勤心潛車胤囊螢讀舌捲
波濤隘五湖氣雄島嶼吞三蜀南金赤箭如圭如
璋泰山非斗景星鳳凰有志未可量也期爾萬里

風雲翔

楊廉夫曰公
子而文乎

墨池謠簡錢本初

夫書未可易言也鳥跡蕙尾蝌斗出焉天雨粟而
鬼魅泣河圖出而龍馬傳八卦畫而結繩解三才
著而文明宣漆書汗簡去古益剝落魯魚亥豕讀
者窮磨研湯銘商鼎彷彿欵識在秦封石鼓但見
鎖紐連六經多舛誤去聖逾千年蒼頡莫可考史
籍何茫然李斯程邈更古制篆隸分艸如雲烟王
次仲氏作楷法趨時簡易隨方圓蔡邕夢神授八
法鍾梁張李尤精專中間作者不可數大令小令

春雨軒集

七七

聲名絕今古何天經地緯而山峙川融亦玉振金
聲而龍翔鳳翥草字貴尊嚴真字貴風度大字貴
結密小字貴寬裕樂毅論太史籀筆力殊正並嚴
嚴乎忠臣烈士之心告誓文曹娥碑其容何莊敬
肅肅乎孝子順孫之儀孤雁賦逍遙篇興趣託高
遠出塵拔俗何翩翩洛神賦画像贊姿儀特閒雅
恭肅莊矜誰敢犯是皆見義以成文非獨擅場而
觴濫歐虞褚薛柳與顏方駕並軌何桓桓米蔡蘇

黃尚嫵媚趙松雪公眞傑立大書特書勒金石清
苦平生非一日崑山春早鳳雛鳴溟渤霜寒海青
出前草落落如晨星慨古閉門芳草生年來此事
知者少隱几看雲數歸鳥庭樹迎秋落葉涼墨池
經雨蒼苔繞錢郎一年相別多過我顏色如春和
臨池刀筆已豹變滿紙墨汁翻鯨波燕子日長休
懶惰莫向清風非臆卧有鳥不鳴一鳴驚人言鳥
不蜚一蜚冲天後生可畏未可量也一羽雲霄期

春雨軒集

七八

勉旃

楊廉夫曰
又是一體

明如曲

胭脂馬雕鷹旌狐裘蒙茸金絡羈白玉作鞭雙袖
垂手抱琵琶紅淚滋黛雲半驛顏如玉春嬌學得
娥眉綠自擬將身籠漢宮誰憐薄命歸胡俗窮陰
絕漢易悲辛落日哀笳處處聞嚴霜夜鏢關頭月
朔氣寒飛磧裏雲鴻雁諳天斜作字駱駝連塞動
成羣漢家君臣亦良苦却將紅粉和戎虜廟堂肉

食列重裨汗簡如何照今古妾身分得君王憂萬
死胡塵心亦休賜斷年年胡地夢心懸日日漢宮
愁百年一身何足道妾容不似花容好漢家三十
六宮春傾國傾城更有人君王故秘毛延壽特遣
單于貴妾身

楊廉夫曰
結句佳

河中之水歌寄劉子雍程伯羽同賦

河之水向東非洛陽女兒好顏色八歲画峨眉九
歲自裁衣十歲學識字十一拋梭攀錦機十二刺

春申軒集

七九

繡紋十三能賭碁十四彈箜篌十五纔上頭髮偏
斜戴金團鳳臂弱不勝珠絡鞢羅幃曉起傷春瘦
画閣粧成對日羞十六妖嬈解歌舞容色比花花
不語堆堆生怕下階行三寸春嬌雲一縷行媒將
聘嫁周郎桂柱蘭堂錦作房比翼鏡奩粧玳瑁合
羅裙帶繡鴛鴦茱萸露濕珊瑚枕蘇合香熏翡翠
床生憎啼鳥催春去不怨啼鳥怨夜長杯成連理
生何幸釵合同心死不忌眼前節物年年度只恐

芳華不相顧南陌芙蓉午夜霜東園桃李三春雨
君當爲妾乘燭遊東海爲釭精作丘妾當爲君金
縷謳春風莫遣人間愁

楊廉夫曰
香奩之流

董嬌娆爲周郁賦

妾家住邯鄲少小矜容顏七歲畫蛾眉十歲垂髻
鬟十三刺繡人前坐十五秦箏架上彈紅粉樓高
臨大路自恃芳年立門戶鸚鵡春眠芍藥闌驕驄
晚繫垂楊樹梅點香奩玉作鈿蓮移羅幃金爲步

春雨軒集

全

朝歌暮飲綺羅叢東園桃李闔春風黛疑柳淺朝
勻翠朱訝櫻濃曉洗紅燭圍錦帳宵常暝香藹雕
籠夕未空秋月春花等閒度誰憐窈窕近新故夜
夜虛迷洛浦雲朝朝枉結陽臺雨帶綰同心只自
憐枕期連理翻成誤眼前相愛豈相知彈指風光
節物移只道青春鎮長好那知白髮易如絲容顏
銷歇鶯花冷歌舞悽涼鞍馬稀昨日樽前雙泪落
誰似周郎情不薄得配鴛鴦死亦判願諧魚水生

相托青鳥緘封書莫遲秦樓腸斷夜鳥啼君卿豈
羨東牆約梁氏應同舉案齊

楊廉夫曰
綺麗綺麗

璫姬墓宋仲珩同賦

野花凝粉鈿瓊姬醉時面夕露柳絲長璫姬晚黛
粧行人墳上莫回首一顧春風一斷腸

來日苦短黃子邕同賦

二首

來日苦短去日苦長人生如朝露不如笑歌置酒
臨高堂春風不到九泉下盛年一去難再芳老行

春雨軒集

八

及之徒悲傷

來日苦短去日苦催人生如朝露不如笑歌置酒
臨高臺舊時歌舞今已矣章華百尺連青苔老行
及之徒悲哀

行路難

奉君五綵鳳凰之綺幄七寶鴛鴦之錦床博山鼠
盞之水屑金盤沉瀼之瓊漿春風無情不相待朱
顏綠髮年年改姑蘇臺上鼓如雷四時歌舞百花

聞當年意氣今安在鬼火如燈秋似海

樂府

箕山操

堯讓天下於巢父巢父曰君之牧天下猶予
之牧犢吾無用天下爲莊子有樊仲父牽牛
飲水見巢父洗耳驅牛而還耻令牛飲其下
流也

清流泱泱箕山之陽樛木森森箕山之陰嗟嗟巢

春雨軒集

八二

父豈洗其耳寔結其心

楊廉夫曰
結語是

崩城操

杞良妻杞殖妻妹朝日之所作也殖戰死妻
哭而城崩遂投淄水死其妹悲之

朝從城上哭長城與雲齊暮從城下哭長城化爲
泥嗚呼城已崩兮猶可築夫君死兮身可贖妾寧
化魚淄水窟立廟祀君君血食

石婦操

卽望夫石也悲其夫之不還也

朝朝山頭望日日願夫歸夫君不歸將疇依妾身
已一難再失寧向山頭化爲石山崩石應墮江水
千年萬年清到底

楊廉夫曰
言婦節也

前旌操

衛後母子壽母欲殺前母子伋而立壽使伋
乘舟將沉而殺之壽知之與伋同載舟不得
沉又使伋之齊令寇見載旌者殺之壽又竊

春雨軒集

八三

旌前行盜見殺之伋載壽屍還亦死

同舟幸濟兮予豈無咎前旌喪原兮盜莫之究仰
嗚天兮青青俯呼地兮冥冥爾迫我死兮竟沒身
於無罪予敢愛生兮致淑德於無旌嗚呼兮已輿
尸於故國誓甘執鞭兮九京

楊廉夫
曰可怨

殘形操

曾子夢見一狸不見其首作

夢生於觸兮狸偶異形吉凶有定兮夢胡足憑嗟

嗟巫咸兮不疑何徵

履霜操

尹吉甫子伯奇無罪爲後母所讒見逐集荷
爲衣採梓花以爲食作歌投河而死

嗟讒言之構兮父豈無知父將不聞兮母心則離
朝履霜兮夕採梓食撫二弟兮惟順弗違嗟嗟蒼
天兮父母孔安兒兮兒兮死奚以悲

揚廉夫曰
可謂仁言

妾中操

春雨軒集

魯秋胡仕陳歸見採桑婦悅之以金婦不從
及歸見母母呼妾出識之醜其夫行遂投沂
水死之

秋胡歸陳息素陰兮見彼美姝悅以金兮重色忘
親何荒淫兮嗟彼丈夫無忸心兮婦以義決誠干
載之箴兮

精衛揀

炎帝女溺死滄海化爲精衛日啣西山木石

以填愁溺死也

海石白凝雪海波清照天邨石填海無窮年但願
滄海揚塵化爲土爾無寃兮爾無苦

五雜組四首

五雜組架上衣往復還庭下雞不獲已炊屢屢
五雜組雲錦裳往復還鸛鴦不獲已守空房
五雜組床上衲往復還橋邊人不獲已行負薪
五雜組織翠裙往復還溪中魚不獲已身當墟

春雨軒集

八五

同雲

同雲四翳霖雨其滂虎嘯谷風鳳鳴朝陽呂望歸
周尹摯佐湯仲父齊霸諸葛漢昌氣以類感道由
義彰功濟九有千載之光

邕熹

聖人務德蠲煩去苛旣舞干羽載奏雲和八表雍
雍合哺而歌彩霽鈎陳景融羲娥崑崙無塵渤海

不波

楊廉夫曰
古調也



